



# Комсомолю Вайгяль

ЛИСЕНДИ VIII-це КИЗОСЬ

ВЛКСМ-нь Мордовский  
обкомт и Саранский  
горкомт газетасна.Адресс: г. Саранск, Советская ул.,  
Дом печати, Телефон № 1—60.

ПИТНЕЦ 5 тр.



ЛИСЕНДИ КОВТИ 12-ксть.

## Всесоюзной сельхозвыставкав юнай кандидаттне

Мирть эса аш стама страна, ко-  
са ба итнень колга заботен-  
далхть тяфта, кода Советский  
Союза.

Партиясь, правительствась и  
Сталин ялгась советский итнень-  
ди максозь сембе условитнень и  
возможносттнень сянди, штоба  
отличнайста тонафнемс и касф-  
немс эрь школьникть способностен-  
зон социалистический отечествать  
благанзонды.

Яркой доказателствакс танди  
арси ся, што тя кизонь август  
ковста минь родинавконь столи-  
цаса, Москуса, кармай йотафневома  
идень творчества Всесоюзной  
олимпиада и улихть панчфт юнай  
техниконь и детский изобрази-  
тельной искусствань кафта пня  
интереснай выставкат, кода Совет-  
ский Союзонь итне няфьсазь  
великай Сталинти эсь талантсон  
мезенди способнайхть советский  
школьникне.

Советский правительствать за-  
ботасон каршес итне отвечайхть  
тевса—отлична тонафнемаса. Тьо-  
жятть юнай техникт, музыкантт,  
литераторхт, художникт и ст. тов,  
аноклайхть нит выставкатнendi и  
олимпиадаты.

Аш кода явошнемс юнай техни-  
кнень и искусстваса работайхнень  
эзда юнай натуралисттнень рабо-  
тасон, конат кропотливайста ра-  
ботайхть сянь лангса, штоба са-  
томс эрь гектарста аф 100 пудта  
кржа сьора, лездыхть колхознен-  
ди од сатфксонь сатомаса и синь  
организационнай ширде кемокста-  
масост.

40 юнай инь цебарь натуралист  
Мордовияста республикань выстав-  
комть постановленийань коряс,  
кемокстафт кандидаткс Всесоюз-  
най сельхозвыставкав 1940-це ки-  
зона.

Интузиастонь тя отрядсь эсь  
практический работасонза сатсь  
замечательнай результатт. Вов,

кепотьксонди, 1939-це кизоня  
ВСХВ-нь участницась Саранск  
ошень 12-це № школань учени-  
цась Рая Чикинась йотай кизоня  
кочкась фкя гектарста 55 центнер  
„Триумф“ фасоль, а тя кизоня  
сявсь обязательства сатомс 75  
центнер. Тоня Кусакинась (тяка жа  
школаста) получаць 1939-це кизо-  
ня 680 центнер „Египетский“ сорт  
свекла. Коля Ерофеевсь получаць  
гектарста 30-да лама центнер пи-  
нем и ст. тов.

Юнай натуралисттне—выставкав  
кандидаттне Коля Андрияновсь,  
Витя Комиссаровсь и Петя Ку-  
зинь (Инсарань средний школа-  
ста) сявсь шефства Желябовть  
лемса колхозть вашенанзон ланг-  
са и аноклайхть эсост Якстерь  
Армияти, а Любакаевсь (Централь-  
най детский технический станци-  
яста) сявомок 1938-це кизоть эзда  
касфты зоркай пограничникнendi  
немецкай породань кафта овчар-  
кат.

Аш кода аф азомс Рузаевкань  
юннатт Вая Новинскийть „Благо-  
роднай“ лимононц колга. Тя ли-  
моннай шуфтть 18 ковста Вая  
Новинскийсь касфтозе 2,5 метрас.  
Нят примерхне аф единичнайхть,  
синь можна мумс эрь школаста.

Аш меств корхтамска, што тя  
работась кирди огромнай значе-  
ния. Но эряви азомс, што лама  
комсомольский организациянь ру-  
ководительхть ашезь шарьхкодь  
винге тя работать сембе важнос-  
тенц, кржа лездыхть юннаттнен-  
ди и аф кружесазь синь заботаса  
и вниманьяса.

Тяфтама недооценкать эряви  
машфтомс и максомс юннаттнendi  
сембе возможносттнень.

Малаткшихть тундань видема  
шитне. Тя пингть юнай натура-  
листтнendi эряви вишкптемс ог-  
ромнай работа, штоба майть ва-  
сенце шинц васьфтемс достойнай  
сатфкс мархта.

## ВКП(б)-нь МОРДОВСКИЙ ОБКОМТЬ ОЧЕРЕДНОЙ ПЛЕНУМОНЦ КОЛГА

Апрельть 13-це шистонза ульсь  
йотаффт ВКП(б)-нь Мордовский  
обкомть очередной пленумонц.

Пленумсь обсуждадась и лихть  
соответствующай р е ш е н и я  
ВКП(б)-нь обкомть секретаренц  
Петушков ялгать докладонц ко-

ряс ВКП(б)-нь ЦК-ть майский  
Пленумонц итогонзон колга и  
МАССР-нь Наркомземть Карпов  
ялгать докладонц коряс тундань  
видемати анокламати и йотафто-  
манц колга.

## ФИНЛЯНДИЯНЬ ПОСЛАННИКСЬ И. К. ПААСИКИВИ ГОСПОДИНЦЬ МАКСЬ ВВЕРИТЕЛЬНОЙ ГРАМОТАТ М. И. КАЛИНИНТИ

Апрельть 15-це шистонза СССР-нь  
Верховнай Советть Президиумонц  
председателец М. И. Калинин при-  
мазе Финляндиянь Чрезвычайнай

посланникть и Полномочнай Ми-  
нистрть И. К. Паасикиви госпо-  
динть, конац макссь вверительнай  
грамотат.

## ЛОНДОНЦА АНТИВОЕННАЙ МИТИНГСЬ

Апрельть 14-це шистонза лон-  
донский Гай-Паркса йотаффт ан-  
тивоеннай митинг, кода ульсь кол-  
ма тьожятть ломань.

Митингса ульсь лама солдат.  
Военнай полициясь аф весть при-  
казывал солдаттнendi тумс ми-

тингста. Аф ваномок тянь лангс,  
полициять действиинза тисть стама  
возмущения присутствующайх-  
нень ширде, што полицияти савсь  
тумс.

(ТАСС).



Московский Государственный университетт 185 кизонц топоде-  
манцы.

СНИМКАСА: Университетт основателец, великай ученайсь  
М. В. Ломоносовсь.

Репродукциясь ТАСС-ть фото-клишенц.

## Карело-Финский ССР-ста СССР-нь Верховнай Советти депутатонь кочкама шитть колга

СССР-нь Верховнай Советть  
Президиумонц СССР-нь Верховнай  
Совету Карело-Финский ССР-ть  
эзда депутатонь кочкама шить на-  
начил 1940 кизонь июнь 16-це  
шистонза.

СССР-нь Верховнай Советти Ка-  
рело-Финский ССР-ть эзда изби-  
рательнай кампаниясь ушедови  
1940 кизонь апрельть 16-це ши-  
стонза.

СССР-нь Конституциять 34 и 35

статьянзон коряс и „СССР-нь Вер-  
ховнай Советти кочкаматнень кол-  
га Положениять“ 21, 22, 23, 24 ста-  
тьянзон коряс Карело-Финский ССР-са  
образованлаф 25 избирательнай  
округ СССР-нь Верховнай Советть  
Национальностень Советозонза  
кочкаматнень коряс и 1 избира-  
тельный округ Союзонь Совето-  
зонза кочкаматнень коряс.

(ТАСС).

## Предмайский соревнованиясь

Саранск ошень маслозаводста  
работайнь, ИТР-нь и служащайнь  
коллективсь сявондсть обязатель-  
стват майнь васенце шить честьс  
вельф пяхкодемс эрь ковань  
программат. Эсь обязательстван-  
зон коллективсь ни пяхкотькшне-  
сьне. Вов, кепотьксонди, 2-це  
бригадань бригадирсь Вильянов  
Дм. мартть 29-це шистонза  
СССР-нь Верховнай Советть VI-це  
Сессиянц панжема шистонза рабо-  
тань норманц пяхкодезе 142,8 про-  
центс. 4 № бригадань бригадирсь  
Любимов—117,8 процентс, 1 №

бригадаты бригадиронц-комсомо-  
лецсь Спиринов ялгась—107,1 про-  
центс. Трудонь ою производи-  
тельность сатсь механический мас-  
терскойсь. Тяса токарьсь Беляев  
Яковсь эрь шиня работань нор-  
манц пяхкотькшнесы 150 и сяда  
лама процентс.

Тяни маслозаводса лувондови  
65 стахановец, конатнень эзда 3  
многостаночникт. Заводсь мартов-  
ский программанц пяхкодезе  
132 процентс.

А. Митрошин.

Саранск ош.





СНИМКАСА: (кержи ширеста види шире) Ненецкый колхозно-совхознай оленеводческий училищань тонафнизе (Нарьян-Мар ошсь) Ф. С. Ледковась (Малоземельский тундрань Кировть лемса колхозста) и А. В. Каниюковась (Малоземельский тундрань Вьючейский лемса колхозста).  
Фотось В. Шаровскийт.

## АВТОМАТНАЙ ЦЕХТЬ КОМСОМОЛЬСКИЙ ГРУППАЦ

Сувада Рузаевкань депоть автоматнай цехозонза и кулхтыа лама азондомат комсомолецненъ замечательнай тевсон колга. Синь эздот таса кота. Работайхть синь стахановецокс. Групповой комсомольский организаторсь Шатаев ялгась няфни кепотькс сембонди. Сон эрь ковня вельф пшкотькшнесы производственной норманц 200—210 процентс. Аф иляткшнихть эсь вожаксон эзда комсомолецне Шабает, Кузьмин, Лушкина, Волков и Рожков ялгатневок. Синь тяфта жа работань нормасон пшкотькшнесазь 200 процентс. Мзырдонга аф новляйхть работаса брак.

Нинге ашель гудоковок, а комсомолецне ни эсь вастоваст. Полуцамок мастерть Замятинть кядьста задания, синь марса тийхть эсь шинь работасонды план, советуются, кода и мзырда пшкотедемс тя плантть и кода сяда лац организовандамс трудть. Вов сяс и синь работайхть отличнайста. Тяда башка комсомолецне лездыхть од слесарьхненди-автоматчикненди, конат аф кунара нинге састь работама, нинге ашезь тонад техникать. Ульсь тяфтама случай: комсомолецне няезь, што синь ялгасна Кузьминць аф пшкотькшнесыне норматненъ. Комсомольский группась заинтересовался тя кизефксть мархта. Няевсь, што Кузьмин ашезе сода тейнза порученнай тевть коряс техникать. Эста ялганза тейнза лездсть тонадомс техникать и тонафтозь сонь работама стахановецокс. Тяда меле Кузьмин ялгась кармась эрь ковня вельф пшкотькшнесом производственной норматненъ.

Комсомолецне вятихть оцю общественной работавок. Синь—инициаторхт металлономь и цветной металлономь кочкамаса. Эрь шинь обеденнай перерывста рабочайхне пуромкшнихть газетань лувондома. Комсомолецсь—газетань лувись Шатаев ялгась шарьхкоде-виста азонкшнесы кулхцондыхненди лувфть и отвечакиши кизефксненди.

Тя группаста комсомолецне активнайста тонафнесазь „ВКП(б)-нь историять Краткай курсонц“.

И. Сафрыгин.

Рузаевский район.

# Комсомольский ЭРЯФСЬ

## Первичнай парторганизациять руководствазь

Мзырда Мельцанский первичнай партийнай организациять секретаренц Глухов ялгать кизефтезь мзыра колхознай организацияса комсомолецта, сон отвечай—аф содаса.

Тоса кизефтезь, содасыне ли сон, кодама добровольнай организацият улихть велеса и кода сон вяти руководства синь лангсост. Сонь ширденза кулезь сяка жа ответть—аф содаса.

Тя фактсь корхтай сянь колга, што первичнай парторганизациясь и сонь секретаренц Глухов ялгась комсомольский организациять и добровольнай организациятненъ лангса вяти руководства калдывста. Тянь сюнеда нят организациятненъ эса работавок кодамовок аш. Первичнай комсомольский организациясь 1940 кизоня йотафтсь аныцек кафта собраният.

Добровольнай организациятне, (ОСО, МОПР, СВБ и илятне) йофси лоткасть работамда.

Комсомольский организациясь йофси ашезь занимадакшне и аф занимадакшни колхозть тундань

видемати аноклафонц колга про-веркань кизефксненъ мархта. А колхозть кафцьке бригаданза видемати аф анокт.

Первичнай комсомольский организациять секретаренц Янькин ялгась колмоцековсь ни работай почтаса, кадозе организациять апервичнай парторганизациясь, и ВЛКСМ-нь райкомсь, тячимс кодамовок мерат аф примосихть, бта тяфтама положения афи содасазь.

Всесоюзнай коммунистический (большевиковь) партиять уставонц 13-це пунктсонза корхтати, што ВЛКСМ-сь йотафнесы эсь работанц ВКП(б)-ть руководстванц ала. Местнай комсомольский организациятненъ работасна водендакшневи, контролировандакшневи партийнай организациятненъ ширде. Вов тянь нинге лацкас ашезе шарьхкод Мельцанский колхознай первичнай партийнай организациясь и сонь секретаренц Глухов ялгась.

С. П. Илюхин.

Мельцанский район.

## Кода мон тонафнеса ВКП(б)-ть историянц

Кодак лиссь светс „ВКП(б)-ть историянц Краткай курсонц“, мон эстакиге кармань сонь эсонза тонафнема. Тонафнеса мон сонь средний звенать коряс. Васенда мон сембе книгать лувине и сяда меле главань-глава кармань конспектировандамонза. Васенда скаль работамс книгать лангса самостоятельна, лама кизефкст афольхть шарьхкотькшнев, конатненъ колга якалень консультацияс и лекцияс. Эсь лангсон упорнайста работазь, консультациятненъ и лекциятненъ вельде мон сьормадонь конспект 8 главанди.

Кода мон сьорматкшнесайне конспекттненъ?

Васенда лувса сембе разделть, штоба шарьхкодемс сяда лацкас сянь, мезень колга корхтати тя разделса, а сяда меле ушедан конспектонь сьормадома. Конспекттненъ сьорматкшнесайне эсь валсон и кемохнесайне книгага сьавф башка цитатаса. Мзырда сьормадан конспект сембе главати, сяда меле нинге весть лувсайне эсь конспектонень, а тоса ушедан

конспектонь сьормадома иля главанди.

Сембода труднайхтельхть шарьхкодемс кизефксне диалектический и исторический материализмань темаса, конатненъ мон разрешил аныцек парткабинетть лезксонц вельде.

Самостоятельна тонафнемаса лезксонди лекцияс, консультацияс и ялгань собеседованияс якамда башка лувондан художественнай литература. Тяфта лувонь ни Горькийть „Мать“, Новиков-Прибойть „Цусима“, А. Толстойть „Хлеб“ произведениясон. Тяни аноклан Ленинть и Сталинть трудсон. Добувань ни Ленинть „Что делать“, „Шаг вперед, два шага назад“, „Две тактики“ и лият, Сталинть „Вопросы Ленинизма“ трудсон, добувань Ленинть и Сталинть трехтомниксон, штоба ушедомс ВКП(б)-ть историянц тонафнема первоисточникненъ коряс.

Комсомолкась-Соколовась.

Саранск ош.



МАССР-нь Госпланонь первичнай комсомольский организацияса лац ладяф ВКП(б)-ть историянц тонафнемац.  
СНИМКАСА: Наташа Соколова комсомолкась конспектировандай „ВКП(б)-ть историянц Краткай курсонц“ 9 главанди.  
Фотось Ивенинтъ.



СССР-нь Верховнай Советть 1940-це кизонь мартть 21 шинь указонц коряс финский белогвардейщикать каршес тюремнень фронтса Командованиять боевой заданиянзон образцовайста пшкотедеманкса Советский Союзонь Геройсь Сергей Прокофьевич Денисов комдивсь казф омбодца „Золотая звезда“ медальса.  
Фотось Ф. Кисловть.

(ТАСС-ть фото-клишец)

## ПАРТИЯВ ПРИМАФТ ИНЬ ПЕРЕДОВОЙХНЕ

ВКП(б)-ть XVIII исторический с'ездтонза меле первичнай партийнай организациятне ламода псбяргофтозь политико-воспитательнай работать беспартийнай большевикненъ йоткса. Тянди, кода результат, арси партийнай ряттненъ вишкста касомасна.

Сире Сомай велень первичнай партийнай организацияса ВКП(б)-ть XVIII исторический с'ездтонза нинголе партиянь членда ульсь аныцек 7 ломатть, а кандидат фкявок ашель. Нят шитненъ первичнай партийнай организациясь партиянь ряттненди кандидаткс примась ниле инь передовой од ломатть, кода Ермаковсь, Чекмаевась и лиятне.

Тарасов.

Рыбинский район.

## ВЛКСМ-нь РАЙКОМТЬ МЯЛЬС

ВЛКСМ-ть программац веши, штоба комсомолонь эрь членць эрь шиня кепсельхце эсь идейно-политический уровеньнц. Но сави азомс, што Од Выселкань средняй школань комсомолецненъ эзда кой-конат аф пшкотькшнесазь программать тя требованинц. Кепотьксонди сяфтяма Беляев Т., Беляев Иванть, Учамбрин Дмитрийть и илятненъ, конатненъ улихть сембе возможностьна и условиясна ВКП(б)-ть историянц тонафнеманшты, но синь мес-бди нинге аф кярмотькшнихть тевти.

Первичнай комсомольский организациять комитетонц тяфта жа комсомолецненди кодамовок лезкс аф максси. Аф эряйхть аф теоретический конференцият, аф ялгань собеседованият, аф фкя-фкянди псбярь опытонь максомат. Тяс-та кода последствия, организацияса дисциплинась лафча, комсомолецненъ 3—4 ков апак пантт членский взносна, собраният организацияса эряйхть случайста случайс.

ВЛКСМ-нь 3-Поляннай райкомти эряви шарфтомс мяль тя первичнай комсомольский организациять лангс и лездомс тейнза воспитательнай работать ладямаса.

Мурзаев.

Зубово-Полянскый район.





## Ученицать обязательства

Левжа велень аф полный средний школань 6-це классонь ученицась Нюра Гудожниковась тонафнемаса цебарь сембе ученикнень няфни кепотькс. Сон тонафнема кизоть колма четвертензон аделазень отличнай оценкаса.

Нюрась тани эсь инголенза путсь задача 1939--1940 тонафнема кизоть аделамс тяфта жа отличнайста. Тя почетнай обязательствать честь мархта пашкодеманд инкса Нюрась тюри пяк оцю вийса.

Д. Адмакин.

Рузаевский район.

## Ударной класс

Глушка велень средний школань 10-це класс лувондови ударной классокс. Тя классонь ученикне тонафнема кизоть колмоце четвертенц аделазь 100 процентнай успеваемостьса. Ученикне Хоричин Колясь и Малофеев Лешась тя четверть пингста тонафнесь анычек отличнайста.

10-це классонь ученикне савсть эсь лангозост обязательстват, штоба тя учебнай кизоть аделамс 100 процентнай успеваемостьса.

Н. Лобанов.

Кадошкинский р-н.

## Кальдяв работань результат

Зубово-Полянский средний школань ученикне и преподавательский коллективь тонафнема кизоть 3-це четвертенц пингста учебнай планть пашкодеманд инкса тюрсть кальдявста. Тянь сюнеда школаса абсолютнай успеваемость анычек 80 процент.

Дирекцияти, преподавательский коллективти и комсомольский организацияти эряви тя кальдяв кепотьксть эзда тиёмс эривикс вывод и тонафнема кизоть 4-це четвертенц пингста мобилизовандамс сембе эсь вийснон и кармамс тюрема учебнай планть 100 процентс пашкодеманд инкса.

П. Митяков.

## Учебнай кизоть аделаса достойнайста

Минь, ученикне, партиять, правительствать и лична Сталин ялгать мархта кружафта алян пяк оцю заботаса. Эрь школати, сонь учениконзонды и учительский коллективонцы минцонк максфт сембе эривикс условиятне.

Цебарьста и отличнайста тонафнемс—советский школьникть фкя инь главный задачац. И минь, ученикне, должеттама тонафнемс анычек цебарьста и отличнайста. Мон оцю гордостьса азса, што тя долгы мон пашкодьса честь мархта.

Мон, сявомок васенце классть эзда, фалу тонафнень цебарьста, мезенкса дирекциять ширде получакшнень аф фкя премия. Но эста мон лувондовонь ударникакс, а аф отличникакс-стахановкакс.

Тонафнема кизоть васень четвертенц пингстакиге мон пунонь эсь инголен задача средний школань 10-це классть аделамс анычек отличнайста.

Эряви азомс, што мон эсь лангозон савф обязательствать пашкодеманд инкса тюрян пяк оцю вийса. Кодя правила, кудонь работатнень пашкотькшнесайне ак-


куратнайста, преподавательхнень обясненияснон кулхпункшнесайн оцю вниманьяса. Эсь лангозон работать вельде мон сатонь тяфтама результатт: 1-це четверть пингста 4 дисциплинас коря отметкане ульсть цебарьхть, а лядыхне отличнайхтельхть, 2-це четверть пингста монь цебарь отметканень лувксна кирсь, а отличнайхнень лувксна меклангт, ламода сяда кассь, 3-це четверть пингста мон сембе эсь вийнень мобилизовандайне сянди, штоба уликс цебарь отметказень полафтомс отличнай отметка лангс. Тяни тонафнема монь сембе результатне отличнайхть.

Мон обяуюсь учебнай кизоть 4-це четвертенц пингста тонафнема темпнень нинге сядонга касфтомс и прочна кемокстамс йотаф материалть.

Эрь ученикть почетнай задачац—образцовайста анокламс переводнай и выпускной испытаниятненьди, успешнайста аделамс учебнай кизоть.

М. ВОДЯКОВА,

Ковылкинский район  
43-це № школань 10-це классонь ученицась.



Идень республиканский технический станция юннат-пионеркась Тростина Марусья йотай кизоть получаь урожай 66 центнерхт тьозар эрь гектарста. Тяни Тростина кандидат ВСХВ-в.

СНИМКАСА: Тростина Марусья микроскоп пачк ванонды головнянь споратнень. Фотось А. Ивановь.

## ПЛОДОВОЙ САД

Тя кизонь февральть 14-це шистонза Мордовский АССР-нь Совнаркомсь лихтсь постановления велеса колхозникнень, рабочайхнень и служащайхнень кудснон перьфкя и приусадебнай участказост плодовой шуфтонь озафнемать колга.

Тя постановленият васенцекек отозвались „Харриат“ колхозонь (Лямбирский район Пензятка веле) колхозникне и комсомольские собрания единомышленники озафтомс эрь колхозникть кудонц перьфкя и приусадебнай участказонза 15 — 20 плодовой шуфтт.

„Харриат“ колхозонь комсомольцне и колхозникне обратились Мордовиянь сембе комсомольцненьди и од ломаттненьди призыв мархта, штоба тиёмс синь примерснон коряс и марстонь вийса тиёмс Мордовиять панжи садк.

Тя собрания меле „Харриат“ колхозонь сембе комсомольцне и од ломаттне кярьмодсть нят мероприятиятнень практический осуществленияснонды.

Кафта сядошка колхозник тисть заявка и макссть ярмакт пасадочнай материалонь рамамс. Синь эсь председателсьнон вельде кемокстасть ни договор Ардатовский плодпитомникть мархта, штоба сон тейст тунда нолдаль 3750 марлюкс.

„Харриат“ колхозонь комсомольцнень и од ломаттнень примерснон коряс тисть тяка жа райононь Кагановичть лемса, „1-е мая“ и „Новая жизнь“ колхозне, коса тяфта жа успешнайста вятихть подготовительнай работа и питомникти тисть 16000 марлюксонди заказ.

МАССР-нь Совнаркомть лихтьф постановлениянц коряс колхозникненьди макссеви долгосрочнай кредит посадочнай материалонь при-

обретениянди стоимость 75 процентонь размера.

Колхозникненьди кредитонь получамать оформления тиендеви колхозонь правления вельде. Сембе бригадирне должет сьормадомс общей спискас сембе колхозникнень, конатнень ули желанисна озафнемс плодовой шуфтт эсь кудснон перьф и приусадебнай участказонза. Тя списать коряс колхозонь правления Рай-30 ть и НКЗ-ть мархта согласовандазь, тиенди заказ питомникста посадочнай материалонь получамс. Питомникста посадочнай счеттнень коряс тиендеви оформления кредитонь получамс.

Кодя правильна эряви йотафтомс плодовой шуфтонь озафнемать, кодя вятемс мельгаст уход, кодама модас озафтомс и кодама сортонь марлюкт эривихть озафнемс-сембонь тянь колга кармайхть систематически макссема советт республиканский газетатнень эса. НКЗ-нь агрономсь БУКОВ.

## Военно-физкультурный отделть работа

ВЛКСМ-нь Мельцанский райкомть военно-физкультурный отделоц эсь существование пингста райононь комсомольцнень и од ломаттнень йоткса йотафтсь аф йомла оборонно-физкультурнай работа.

Тя пингсти районца осовашихимский первичнай организациятнень лувксна касфтф 45, конатнень эса сембоц ОСО-нь членда лувондови 1078 ломань, синь эздост 572 комсомолец.

Военно-физкультурный отделсь районца аф кржа тись СССР-нь Верховнай Советть IV-це Сессиянц мархта примаф закоттнень, а сембодонга пяк всеобщай воинский обязанносттнень колга законть и Ворошилов ялгать докладонц од ломанень кели массатнень сознанияс пачфтемаса.

Районца аф кржа вастова, кода: „Волна революции“, „Красный борец“ и лия колхознень эса ОСО-нь первичнай организациятне инголе, мзярда ашель военно-физкультурнай отдел, работась пяк кальдявста. Но тяни нят организациятнень эса тевсь ламода сяда цебарьгофтф.

„Красный борец“ колхозонь первичнай организациясь эсь члензон и колхознай од ломаттнень эзда аноклась 27 обороннай значкист и оцю работа йотафтсь эсь рядонзон касфтомаса. Тяни ОСО-нь тя организацияса сембоц членда лувондови 45 ломань.

Райононь сембе средний и аф полный средний школатнень эса тифт обороннай уголок. Обороннай работаса васенце рятнень эса ашихть Мельцан, Вертелим, Н. Александровский и Кулдым велень школатне. Нят школатнень эса тонафнема кизоть 3-це четвертенц пингста лама ученик максозь ГСО-нь, ВС-нь и ПВХО-нь значокненьди норматнень. Районца тяни оборонно-физкультурнай значкистнень лувксна кассь 2392 ломань.

Военно-физкультурный отделсь пяк оцю работа йотафтсь РККА-ть рядонзонды достойнай пополнения аноклама тевсовок. Анычек тя кизоня допризывникнень эзда аноклаф ВС-нь 44 значкист ПВХО-нь—19, ГСО-нь—59 значкист. Синь йоткост неграмотностсь машфтф 100 процентс.

Военно-физкультурный отделсь пяк оцю и активнай участия примосесь внутришкольной обороннай соревнованиятненьди аноклама и йотафтома тевса, конат мольть мартть 1-це шистонза сявомок 10-це шинцты модемс.

Но сави азомс, што военно-физкультурнай отделть работаса улихть лама аф сатыкст, мезень сюнеда районнай организацияса 114 комсомолец ашихть ОСО-са членкс, аф сембе комсомолецнень улихть оборонно-физкультурнай значоксна.

Эряви сатомс ся, штоба инь куроконь пингста эрь комсомолецть улель кодама-кодама фкя военной специальностец, а тя можна сатомс анычек упорнай, большевистский работать вельде.

С. Илюхин.

Мельцанский район.



## ВАЛОНЗА АЕРТКШНИХТЬ ТЕВТЬ ЭЗДА

Велеса, колхозса ОСО-нь организациятнень деятельностьсна должен улемс пяк кели. Силь призваннайхть тюремс населениять йоткса массовой оборонно-физкультурной работать образцовый-ста ладьяманц инкса.

Но йофси аф тяфта эсьзадачон шарьхкодезень Од Усад велень „7-й с'езд Советов“ колхозной первичной ОСО-нь организациять председателец Исаевсь.

Аф кунара Исаевть отчетоц кулхцонtfoot фоль общай комсомольский собранияса, коса сон комсо-

молецнени макссь вал, што инь куроконь пингста пуропты ЛВХО-нь кружок и аноклай значкистт. Но Исаев ялгать валонза теветь эзда аерткшнихть, сон эсь обязательстванзон аф пашкоткшнесыне.

Комсомолецне и ОСО-нь члетьне надияхть, што ВЛКСМ-нь Рузаевский райкомсь и ОСО-нь райсоветсь тя важнейшей участкать эса работать инь куроконь пингста живолгофтсаз.

П. Антонова.

Рузаевский район.

## Мзярда кармайхть работама?

Барановка велень „Пролетарий“ колхозса кунаракиге ни пуроптф Осовиахимский первичной организация, но тя организациясь (сонь председателец Кашаевсь) ОСО-нь члетьнень и колхозникнень йоткса аф вяти кодамовок оборонной работа.

Сави азомс, што оборонной работать шири Осовиахимский организациять лаца жа аф шарфни кодамовок мяль колхозной комсо-

мольский организацияське. Например, комсомольский собраниятнень эса оборонной темас кизефкст аф путневихть.

Комсомолецне и колхозной од ломаттне надияхть, што Атюрьевский ОСО-нь райсоветсь тя важнейшей участкать эса работать ладьясы инь куроконь пингста.

К. Черакшев.

Атюрьевский район.

## Цебяргофтомс клубса работать

М.-Пашад велеса ули цебрь клуб, но сонь эсонза аш кодамовок работа. Велень советть исполнительный комитетонц председателец и членонза йофси аф заботендайхть клубть колга. Силь нльне тьялоньберьф фкьявок поляна пенге ашеть макссе клубть уштомс, а тьянь сюнеда клубсь тьялоньберьф вестенге ашезь панчсев. Од ломаттне культурной до-

сугснон йотафнесазь аф организова, а кие кода машты сонць.

Пурдошанский райсоветть исполнительный комитетонц эряви варжакстомс и кошардомс М.-Пашадонь велень советть исполнительный комитетонц кода эряви занимадакшнемс велеса культурно-массовой работать мархта.

И. Ф. Миронов.

Пурдошанский район.

## Аф тонафнесазь аф грамотнайхнень и малограмотнайхнень

З.-Полянский велень советса пяк калдявста ладьяф аф грамотнайхнь и малограмотнайхнь тонафнемась. Тя велеса ликпунктнень эса занятияне йотафневихть аф регулярнайста, посещаемость калдяв.

Культармеецне, конат кемокстафт аф грамотнайхнень и мало-

грамотнайхнень тонафнема, эсь тевснон аф тиендсазь.

Сембонь тьянь пяк лац содасы З.-Полянаь РОНО-ть заведующай Прибылов ялгась, но кодамовок мерат аф примоси ликбезть работанц ладьяманц инкса.

Митяков.

Паева велень советть исполнительный комитетонц и сонь председателец Макушкинц населениять йоткса аф грамотность и малограмотность машфтоманц инкса аф вяти кодамовок работа, конань сюнеда велеса уликс 300 аф грамотнайхне и малограмотнайхне иляткшнихть атак тонафнек.

Сави азомс, што тя важнейшей тевети тяфта жа суронь пачк ваны Кадошкинский РОНО-ське, сон нльне взрослай ломанень школатнени работниктка ашезь куче.

Н. Лобанов.

Кадошкинский район.



Франко бельгийский торговый договорть кемокстамандты. СНИМКАСА: Французский „Экспортть“ васенпе партияц.

Рисункась В. Персони (Фото-клишесь ТАСС-ть).

## Скандинавияса военной действиятне

Мекольдень сведениятнень коряс, конат получафт Норвегияста, германский войскактне успешна шаштыхть инголи. Ослооть районца силь занять важнейшей норвежский военной заводт и Фредрикстада укрепленный зонать. Молемок Ослооть эзда юго-восток шири, германский войскактне фатясть 300 пленнай, сисем норвежский орудият и лама винтовкат и снарядт. Корсьеть маласа зтьожатт норвежский солдаттнень германский войскактне потафтозть шведский гравиять омбокс, и силь интернированнойхть Швецияса. Норвежский порттнень эса германский войскактнень высадкасна йотафневи планомернайста.

Германский армиять верховнай командованиянц сообщениянц коряс, южной Норвегияв апрельть 14-це шистонза састь войскань и материалонь од пополненият. Тя районца моряса действият ашельхть.

Английский военно-морской оцю вийхне Нарвик портти сувамаь блокировандазь. Бергенца английский 2 самолетт бомбардировандасть германский торговый пароход и ваяфтозть сонь.

Скагерракса германский вооруженной вийхне машфстть нинге кафта неприятельский подводнай лоткат. Тяфта, мекольдень шитнень пингста германский морской и воздушный вийхне ваяффт неприятельский подводнай лоткатнень лувкссна кассь 7 молема. Норвежский „Хваль“ миноносецть фатязь немецне.

Английский кулятнень коряс, германский войскактне, конат молихть Ослооть малава, васьфнихть вию сопротивления. Ослооть эзда юго-восток ширеса Осло-фиорд входть ваксса йотнихть бойхть.

Английский авиациянь министерствать официальной сообщенияса корхтати, што английский авиациясь апрельть 14-це шистонза тийсь од полет Ставангерса норвежский аэродромть лангс, конанц занязь германский войскактне. Тийф повреждения аэродромса ащи лама самолетонди.

Апрельть 15-це шистонза Лондонца печатлаф военной и морской министерствать официальной сообщениянц сян колга, што английский войскактне высадились Норвегият лама пунктонзон эса. (ТАСС).

## Ванцинвеецнень лагерьса грызнясь

Китайский печатсь съормады, што Китайть заняф районзон провинциальной „правительстваснон“ эса грызнясь, конанц тиезь японце, ашезь лотка, аф ваномок сян лангс, што тиф „центральной правительства“ во главе китайский народть предателенц Ван-Цзин-вейть мархта.

Уанять местнай властенза, кепотьксонди, тя пингти самс атакшнихть повфтамс Ван-Цзин-вейть „правительстванц“ флагонц, конанц силь не признают.


Ламос моли спорда меле ванцинвеевский од флагсь появась Бейнинца. Но севернай Китайнь политический советть председателец Ван-Кэ-минтть и Цзин-вейть йоткса враждась ашезь кире.

Сембе нят трениятнень тиендсыне аф аныцек „правительстванень“ или силь фталост башка ащи японский генералхнень йот-

кса соперничествась. Грызнять аноклакшнесазь японце, конат вятихть действия „разделяй и властвуй“ принципть коряс. Японце кодамовок случаяста аф нолнесазь сян, штоба власть улель сосредоточенной силь фкя ставленникснон кядьса и натравляют силь фкя-фкянь лангс. Шанхайста, кепотьксонди, ули „Молодежной партия“, конац нолни эсь газетанц и сидеста выступандакшнни открытай нападка мархта Ван-Цзин-вейть лангс. Апрельть, 8-це шистонза Нанькинца фкя японский офицер пиксозе „правительствать“ местнай палатанц генеральной секретаренц, сянкса, мес секретарть машинац йотась сонь машинанц вакска.

(ТАСС).

Ответ. редакторть заместителец И. ЧУДАЙКИН.



СНИМКАСА: Сортавала ошть видоц. (Карело-Финский ССР).

Фотось Н. Роскинть (ТАСС-ть фото-клишес).